

ʔʰoʔ:o hi:mayaw

- (1) ʔʰoʔ:o hi:mayaw waʔ:a si:ʔo čanhodenhk^he.
- (2) ʔahk^hasa:ma, bidʔahk^hasa:ma ʔʰoʔ:o hi:mayaw.
- (3) ma: baʔ:aywam:u ʔam:a da:— ʔam:a da:klo:ba ʔa:— k^haʔbe ʔahʔi:meʔ
ʔiy:oʔow mihčaba win:a, p^ha:la k^haʔbe ʔa:— k^haʔbe ʔahʔi:meʔ mihčaw, and
daht̚et̚:eba, mu:tu ʔik̚ba [či-ʔ], p^ha:la k^haʔbe piʔni mihčaw.
- (4) ha:mini:ba ham:un p^ha:la daht̚et̚:ew, and mu:tučiw.
- (5) hniba mi:ʔay, mi:ʔay huʔ:amba ham:unhlaw ʔahk^ha dahsos:oba daht̚et̚:ew.
- (6) ha:mini:ba ʔahsič' daʔ:eʔ:eba k^hma:yow, [p^ha:la mi:ʔay huʔ:amba ham:un]
p^ha:la ʔahk^ha dahsos:oba daʔ:eʔ:eba k^oʔdi ʔahsič' daʔ:el:aba, waʔ:an
biʔduboʔ is acorn biʔduboʔwan huʔ:an.
- (7) ha:mini:ba ham:un mu:tu ʔahk^homanhk^hay biʔduboʔwan mič:eden wa k^oʔdi
ʔik̚ba k^hma:yow, k^ha:le ši:ma piʔni, k^ha:leʔonhk^he mač:aba ham:un biʔduboʔwa:ni
win:a kic:idu mihčan, ʔahk^ha hu:ʔmak— [misspoke] ʔahk^ha hu:— hu:— hu:—
ʔahk^ha hu:ʔaʔmayak^h:ewi.
- (8) ha:mini:ba waʔ:an, ʔahk^ha hu:ʔaʔmaba mač:ew.
- (9) ham:un waʔ:an —ʔe:— hiʔ:amhuy sihnaʔdu, ceʔ siʔʔaw.
- (10) (čah:a woʔ:oy yowʔden) p^ha:la ʔahk^ha hu:ʔaʔmaw.
- (11) ha:mini:ba waʔ:an k^oʔdi siʔʔayi:li ma: ʔahk^haʔwan mač:ew, ʔahk^haʔwan kuʔmu
č^ho:likaw.

- (12) ham:un č^ho:likaw k^hma:yow wa?:an win:aɬ:ow biʔduboɬwan da:t^how.
- (13) t^ha:na ʔak^h:owi da:t^how.
- (14) ha:niba biʔduboɬwanɔnhk^hle mi:ɬaywanɔn ʔi:biw:an ham:un t^han:awi kal:i di:biɬbiy.
- (15) hniba ham:un ʔahk^ha ha:min, t^han:awi dahsos:on mi:ɬaywan das:ew.
- (16) han— mi:ɬaywan kuʔmu das:ew k^hma:yow ham:un [t^hoʔ:oʔwan—] biʔduboɬwan č^he?:eɬmay č*i*:yo:li ʔahk^ha ʔohč*o*:li ham:ilwi, mi:t^hmaw.
- (17) ham:un kuʔmu šu:- šu:k^haba k^hma:yow ma:mu— ʔaɬ:i mi:ɬay das:ey:owan ham:un da:woɬi:ba da:woɬi:ba kic:idu čahčinkaw, mi:ɬaywan čahčin k^hma:yow, ʔahk^haʔwan č^he?:eɬmaywa:ni hiw:alkaw, siʔɬa.
- (18) č^hi:woɬo:ka:t^hoɬ.
- (19) ha:mini:ba wa?:an [ʔahk^ha— k^haʔbe—] k^haʔbe ʔoh:o mi:ɬalaw, wa?:an muʔɬak^hti.
- (20) k^haʔbe ʔoh:o mi:ɬalaw k^hma:yow č^hohkoy t^hoʔ:oʔwan muʔɬaw.